



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐԿԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ ԱՍՈՑԻԱՑԻԱՅԻ ԿՈՂՄԻՑ ՀՐԱՊԱՐԱԿՎՈՂ ԱՄՍԱԿԱՆ ՀԱՇՎԵՏՎՈՒԹՅՈՒՆ

Հունիս, 2025




Բովանդակություն

Բովանդակություն	1
Ֆինանսական դիրք	2
Վարկային պորտֆել և համեմատականներ	3
Տրամադրված վարկերի ծավալը	3
Տրամադրված վարկերի քանակը	3
Մասնաճյուղեր և վարկային պորտֆելի ցուցանիշներ	5
Վարկերի կառավարում	6
Վերլուծական գործակիցներ	7

Ֆինանսական դիրք

- **Ակտիվներ:** ՀՀ ՎԿԱ անդամների համախառն ակտիվները 2025թ.-ի Հունիսի 30-ի դրությամբ կազմել են 241.12 մլրդ դրամ՝ 2024թ.-ի Հունիսի նկատմամբ աճելով 16.5%-ով, իսկ 2025թ.-ի Մայիսի նկատմամբ՝ 2.6%-ով: (Գծ.1):
- **Վարկային Պորտֆել:** ՀՀ ՎԿԱ անդամների վարկային պորտֆելը 2025թ.-ի Հունիսի 30-ի դրությամբ կազմել է 188.58 մլրդ դրամ՝ նախորդ տարվա Հունիսի նկատմամբ աճելով 17.4%-ով, իսկ 2025թ. Մայիսի նկատմամբ՝ 0.5% (Գծ.1):
- **Կապիտալ:** ՀՀ ՎԿԱ անդամների ընդհանուր կապիտալը 2025թ.-ի Հունիսի վերջի դրությամբ կազմել է 76.26 մլրդ դրամ՝ 2024թ.-ի Հունիսի նկատմամբ աճելով 3.3%-ով, իսկ 2025թ.-ի Մայիսի նկատմամբ նվազելով 8.6%-ով (Գծ.1):

Գծապատկեր 1. ՀՀ ՎԿԱ անդամների ֆինանսական դիրքը 2024-2025թթ. Հունիսի վերջի դրությամբ




Վարկային պորտֆել և համեմատականներ

Տրամադրված վարկերի ծավալը

- 2025թ.-ի Հունիս ամսին ՀՀ ՎԿԱ անդամների կողմից տրամադրվել է 14.39 մլրդ դրամի վարկ, որը նախորդ տարվա նույն ժամանակահատվածի նկատմամբ աճել է 26.8%-ով, իսկ 2025թ.-ի Մայիսի նկատմամբ նվազել է 12.7%-ով (Գծ. 2):

Գծապատկեր 2. ՀՀ ՎԿԱ անդամների կողմից 2024 և 2025 թթ.-երի Հունվար-Հունիս ամիսներին տրամադրված վարկերի ծավալը




Տրամադրված վարկերի քանակը


- 2025թ.-ի Հունիս ամսին ՀՀ ՎԿԱ անդամների կողմից տրամադրվել է 60,686 վարկ, որը նախորդ ամսվա նկատմամբ նվազել է 4.6%-ով, իսկ 2024թ.-ի Հունիսի նկատմամբ աճել է 0.7%-ով (Գծ. 3):

- 2025թ.-ի Հունիս ամսվա վերջի դրությամբ ՀՀ ՎԿԱ անդամներն ունեցել են 223,855 ակտիվ վարկառուներ: Ակտիվ վարկառուների քանակը 2024թ.-ի Հունիսի նկատմամբ աճել է 10.0%-ով, իսկ 2025թ.-ի Մայիսի նկատմամբ աճել է 0.4%-ով:
- ՀՀ ՎԿԱ անդամների կողմից 2025թ.-ի Հունիսին տրամադրված վարկերի միջին մեծությունը կազմել է 237 հազար դրամ, իսկ վարկային պորտֆելի միջին վարկի մեծությունը կազմել է 842 հազար դրամ: Նույն ցուցանիշները 2024թ.-ի Հունիսին կազմել են համապատասխանաբար՝ 188 և 789-հազարական դրամ (Գծ. 4):

Գծապատկեր 3. ՀՀ ՎԿԱ անդամների կողմից 2024 և 2025 թթ.-երի Հունվար-Հունիս ամիսներին տրամադրված վարկերի քանակը




Գծապատկեր 4. ՀՀ ՎԿԱ անդամների կողմից տրամադրված վարկերի միջին մեծություն



Մասնաճյուղեր և վարկային պորտֆելի ցուցանիշներ

- 2025թ.-ի Հունիսի դրությամբ Ասոցիացիայի անդամները միասին վերցրած ՀՀ ամբողջ տարածքում ունեցել են 156 մասնաճյուղ, որը, համեմատած 2024թ.-ի Հունիսի հետ, աճել է 7-ով:
- ՀՀ ՎԿԱ անդամները 2025թ.-ի Հունիսի դրությամբ ունեցել են 433 վարկային մասնագետ, որը, համեմատած 2024թ.-ի Հունիսի հետ, աճել է 6-ով:
- 2025թ.-ի Հունիսին ՀՀ ՎԿԱ անդամների կողմից տրամադրված վարկերի գծով մեկ վարկային մասնագետի հաշվով միջին վարկի մեծությունը կազմել է 33.25 մլն դրամ, նախորդ ամսին՝ 38.70 մլն դրամ, իսկ 2024թ.-ի Հունիսին այս ցուցանիշը կազմել է ևս 26.59 մլն դրամ (Գծ. 5):
- 2025թ.-ի Հունիսի վերջի դրությամբ ՀՀ ՎԿԱ անդամների վարկային պորտֆելը մեկ վարկային մասնագետի հաշվով կազմել է 435.53 մլն դրամ, նախորդ ամսվա 440.30 մլն դրամի և 2024թ.-ի Հունիսին 376.03 մլն դրամի համեմատ (Գծ. 5):

Գծապատկեր 5. ՀՀ ՎԿԱ անդամների տրամադրված միջին վարկը և վարկային պորտֆելը մեկ վարկային մասնագետի հաշվով




Վարկերի կառավարում

- **Մինչև 30 օր ժամկետանց պորտֆել:** ՀՀ ՎԿԱ անդամների մինչև 30 օր ժամկետանց վարկերի ծավալը 2025թ.-ի Հունիսի վերջի դրությամբ կազմել է 2,631 մլն դրամ, նախորդ ամիս՝ 1,815 մլն դրամ և 2024թ.-ի Հունիսին՝ 1,842 մլն դրամ: Նախորդ տարվա նույն ժամանակահատվածի նկատմամբ մինչև 30 օր ժամկետանց վարկերի ծավալը աճել է 42.9%-ով, իսկ 2025թ.-ի Մայիսի նկատմամբ՝ 45.0%-ով: 2025թ.-ի Հունիսի վերջի դրությամբ մինչև 30 օր ժամկետանց վարկերի պորտֆելը կազմել է ընդհանուր վարկային պորտֆելի 1.40%-ը, 2024թ.-ի Հունիսին ևս կազմել է 1.15% (Գծ. 6):
- **Ժամկետանց պորտֆել 30 օրից ավել:** ՀՀ ՎԿԱ անդամների 30 օրից ավել ժամկետանց վարկերի ծավալը 2025թ.-ի Հունիսի վերջի դրությամբ կազմել է 3,978 մլն դրամ, նախորդ ամիս՝ 4,018 մլն դրամ և 2024 թ.-ի Հունիսին՝ 5,508 մլն դրամ: Նախորդ տարվա նույն ժամանակահատվածի նկատմամբ 30 օրից ավել ժամկետանց վարկերի ծավալը նվազել է 27.8%-ով, իսկ 2025թ.-ի Մայիսի նկատմամբ նվազել է 1.0%: 2025թ.-ի Հունիսի

վերջի դրությամբ 30 օրից ավել ժամկետանց վարկերի պորտֆելը կազմել է ընդհանուր վարկային պորտֆելի 2.11%-ը, 2024թ.-ի Հունիսին՝ 3.43% (Գծ. 6):

- **Զուտ դուրսգրումներ:** 2025թ.-ի Հունիսի վերջի դրությամբ Ասոցիացիայի անդամ վարկային կազմակերպությունների զուտ դուրս գրված վարկերի ծավալը կազմել է 905 մլն դրամ, նախորդ ամիս՝ 791 մլն դրամ և 2024թ.-ի Հունիսին՝ 566 մլն դրամ: Զուտ դուրս գրված վարկերի ծավալը 2025թ.-ի Հունիսին նախորդ ամսվա նկատմամբ աճել է 14.4%-ով, իսկ 2024թ.-ի Հունիսի նկատմամբ աճել է 59.7%-ով: Ասոցիացիայի անդամների սույն թվականի Հունիսի զուտ դուրս գրված վարկերի ծավալը կազմել է համախառն վարկային պորտֆելի 0.48%-ը, նախորդ ամիս՝ 0.42% և 2024թ.-ի Հունիսին 0.35% (Գծ. 6):

Գծապատկեր 6. ՀՀ ՎԿԱ անդամների վարկերի ծավալները Հունիսի 30-ի դրությամբ



Վերլուծական գործակիցներ

- 2025թ.-ի Հունիսի դրությամբ ՀՀ ՎԿԱ անդամների համախառն վարկային պորտֆելի և ակտիվների հարաբերակցությունը կազմել է 78.2%, որը վկայում է այն մասին, որ ակտիվների ծանրակշիռ մեծամասնությունը ուղղվում է վարկավորմանը: Նույն ցուցանիշը 2024թ.-ի Հունիսին կազմել է 77.6% (Գծ. 7):

- Սույն թվականի Հունիսի դրությամբ Ասոցիացիայի անդամների ընդհանուր կապիտալի և վարկային պորտֆելի հարաբերակցությունը կազմել է 40.4%: Այս ցուցանիշը ցույց է տալիս, որ Ասոցիացիայի անդամների վարկավորման ծավալի 40%-ը իրականացվում է սեփական կապիտալի հաշվին: Նույն ցուցանիշը 2024թ.-ի Հունիսին կազմել է 46.0% (Գծ. 7):
- 2025թ.-ի Հունիսի վերջի դրությամբ ՀՀ ՎԿԱ անդամների ընդհանուր կապիտալի և ակտիվների հարաբերակցությունը կազմել է 31.6%, որը վկայում է Ասոցիացիայի անդամ վարկային կազմակերպությունների բարձր կապիտալիզացիայի մասին: Նույն ցուցանիշը 2024թ.-ի Հունիսին կազմել է 35.7% (Գծ. 7):
- Ընդհանուր պարտավորությունների և կապիտալի հարաբերակցության ցուցանիշը ցույց է տալիս միավոր կապիտալի դիմաց ունեցած պարտավորությունների չափը: Այս ցուցանիշը ցույց է տալիս նաև վարկային բիզնեսի կառավարման արդյունավետության մակարդակը: 2025թ.-ի Հունիս ամսվա դրությամբ ՀՀ ՎԿԱ անդամների համար այս գործակիցը կազմել է 2.16, այսինքն միավոր կապիտալի դիմաց ունեցած պարտավորությունները 2.2 անգամ գերազանցել է կապիտալի մակարդակը: Նույն ցուցանիշը նախորդ տարվա Հունիսի համար կազմել է 1.80:

Գծապատկեր 7. ՀՀ ՎԿԱ անդամների վերլուծական գործակիցներ

